


STN-BLADET

AVSLAGET FOR SIDET TRØNDERFE OG NORDLANDSFÆ

NR. 1. 2000 • Årgang 11




Seminoksar 2000/2001

Regnskap • Årsmøtet 2000

Dommarkurs • Livdyr • Nytt frå styret

STN

Avlslaget for sidet trønderfe og nordlandsfe



Avlslaget for STN

Formann

Jostein Brenden
2643 SKÅBU
Tlf: 61 29 55 56

Nestformann

Jostein Stige
8200 FAUSKE
Tlf: 75 69 76 59

Styremedlemmar

Marit Hoff
7865 JØA
Tlf: 74 28 69 78

Amund Wormstrand
2219 BRANDVAL
Tlf: 62 82 51 30

Sigmund Åbjørnsbråten
2910 AURDAL
Tlf: 61 36 46 68

1. varamedlem

Hans Forodden
7387 Singsås
Tlf: 72 43 55 58

Sekretær/ Kasserer

Atle Meås
2634 FÅVANG
Tlf: 61 28 46 77
Faks: 61 28 46 49

Livdyrkontakt

Helen Davey
2436 VÅLER S
Tlf/ Faks: 62 43 79 31
E-post: heldav@c2i.net

Kor mange STN-kyr ??

Foreløpig tal fra Statens Kornforretning over kyr av bevaringsverdig rase det vart gjeve tilskott til etter søknads-runden i januar, er 1471. Dette talet er desverre ikkje oppdelt i rasar, men innbefattar alle rasane; Telemarkfe, Vestlandsk Raudkolle, Vestlandsk Fjordfe, Austlandsk Raudkolle, Dølafe og Sidet Trønder- og Nordlandsfe.

Norsk Landbruksmuseum hadde pr 1.januar 1999 registrert tilsaman 1517 kyr av desse rasane, med unntak av STN. Inn i dette talet går rett nok ein del kyr som ikkje er reinrasa nok til å oppnå tilskotet.

Spørsmålet blir da; Er det mange brukarar som ikkje har søkt om tilskott, eller er talet på kyr av bevaringsverdige rasar svært raskt synkande ? Det tyder også på at Avlslaget for STN snart må prøve å få registrert det verkelege talet på reinrasa STN-kyr !

Avlslaget for STN

Adresse: 2634 FÅVANG
Tlf: 61 28 46 77 Fax: 61 28 46 49

**Ikkje fast kontortid på sommarstid,
men lettast å treffe på onsdagar**

Forsidebildet:

28 Majros etter 9067 Bass på beite hos Bitten og Edy Pigato i Brønnøysund.

ÅRSMØTET 2000

I år var Årsmøtet lagt til Støren i Gauldalen i Sør-Trøndelag. Plassen som forutan å vere eit kommunikasjonsmessig knutepunkt, vel er mest kjent frå songen om ” et lite Wienerbrød”. Nokre av dei 50 årsmøtedeltakarane tråla Støren i håp om å finne det berømte bakeriet, men neida. Det var nedlagt fikk vi vite!

Ved 13.00 tida på laurdagen den 25.mars ønska Hans Forodden oss velkommen til Støren og Midtre Gauldal kommune. Jostein Brenden opna årsmøtet, og etter presentasjonsrunden var alt klart for å begynne.

Sekretæren las opp årsmeldinga. Knut Rønning meinte det burde stå i Årsmeldinga at Odd Rossing vart sagt opp frå si stilling som livdyrformidlar. Med følgande endring; ” Odd Rossing vart sagt opp frå stillinga som livdyrformidlar 31.mai” vart årsmeldinga for 1999 einstemmig godkjent.

Sekretæren la fram regnskapet, som viste eit rekordstort overskot på 285 000 kroner. Regnskapet vart einstemmig godkjent av årsmøtet.

Det vart under innkomne saker vedteke følgande endringar av avlslaget sine lover:

- ”Livdyrformidlar” kalles heretter ”livdyrkontakt”
- ” andre saker til årsmøtet må sendes til styret senest 1.februar ” (lovendringsforslag må fortsatt vere innsendte til 1. Januar.)

Det var kome inn forslag om å gjenopprette eit eige avlsutvalg i avlslaget. Styret gjekk imot dette, da det etter styrets syn vil føre til auka byråkrati og kostnader. Landet blir allerede godt dekt av styrets medlemmar.

Gerd Inger Flå sa at forslaget ikkje var meint som mistillit mot det sittande

styret, men for å få fleire personar involvert i utvalget av avlsoksar.

Knut Rønning meinte det var brukarar som ikkje ville selje oksekalvar til avlslaget så lenge det noverande styret satt.

Forslaget om gjenopprettning av avlsutvalg fall med 15 mot 33 stemmer.

Smittefarene ved fjøsbesøk i samband med årsmøtet vart teke opp til diskusjon. Bakgrunnen var fleire rundar med BRSV smitte i det lokale området. Enkelte har teke til orde for at årsmøtet bør haldast om sommaren, -slik at ein kan sjå på dyr ute. Andre at ein ikkje har fjøsbesøk under årsmøtet, men tek ei sommarsamling i tillegg.

Jostein Brenden sa at ingen kan tvingast til å ta mot fjøsbesøk under eit årsmøte, og det er likeins opp til kvar enkelt om han/ho vil besøke framande fjøs. Avlslaget er bevisste på smitteforebyggande tiltak, og held plast-fotovertrek og – frakk til alle deltakarane ved fjøsbesøka. Han sa også at fjøsbesøka var ein viktig del av årsmøtet, og ein viktig grunn til at Årsmøtet kunne verke inspirerande og miljøskapande. Avlslaget ser derfor foreløpig ingen grunn til å gjere store endringar i dagens opplegg med fjøsbesøk under årsmøtesamlinga.

Frå Odd Rossing var det kome inn ei sak til Årsmøtet, angåande eit tilgodehavande han meiner å ha overfor avlslaget. Trine Bolstad sa at saka burde vore presentert i STN-Bladet i lag med dei andre innkomne sakene til årsmøtet. Jostein Brenden sa at styret tek den kritikken til etterretning. Styret meinte dette var ei personalsak, og dermed eit anliggande mellom styret og Odd Rossing. Styret innstilte derfor til årsmøtet om at saka skulle avvisast.

Saka vart etter skriftleg avstemming avvist med 33 mot 12 stemmer. (2 blanke)

VALG

Hans Hoff representerte valnemnda og las opp nemnda si instilling.

1. Formann for eitt år, innstilt: Jostein Brenden. (vald ved akklamasjon)
2. Styremedlem for 2 år, innstilt: Marit Hoff (21 stemmer)
Benkeforslag frå Rissa STN-lag : Hans Forodden (19 stemmer)
Marit Hoff vald for 2 nye år.
3. Styremedlem for 2 år, innstilt: Jostein Stige (vald ved akklamasjon)
4. Nestformann for 1 år, innstilt: Jostein Stige (vald ved akklamasjon)
5. 1.varamann for 1 år, innstilt: Odd Roar Stenby (17 stemmer)
Knut Rønning foreslo Hans Forodden (24 stemmer)
Hans Forodden vald for 1 år
6. 2.varamann for 1 år, innstilt: Ingebrig Moen (vald ved akklamasjon)
7. 3.varamann for 1 år, innstilt: Per A Nesjan (vald ved akklamasjon)

Årsmøtet fann at det var grunnlag for å velge to nye revisorar. Årsmøtet hadde ingen forslag til nye revisorar, og Josten Brenden foreslo derfor på vegne av styret som nye revisorar:

Aslak Snarteland, Fyresdal og Oddvar Eriksen, Ringebu (valde ved akklamasjon)

Anne Kari Saxerud gjekk ut av valnemnda etter 3 år. Knut Rønning foreslo Gerd Inger Flå (25 stemmer)som ny medlem av valnemnda. Grete Løvaas foreslo Kirsten Gjessing (19 stemmer)

Gerd Inger Flå vald som medlem av valnemnda for 3 år.

Under eventuelt vart det mellom anna informert om ein del utstillingar i løpet av året der avslaget og rasen vil markere seg.; Hellerud, Seljord (dyrskun), Ål, Rissa og kanskje Stjørdal.

Vandreprise for høgstytande STN-ku vart ikkje delt ut under årsmøtet, da styret på

grunn av fornying av avtaler mellom husdyrkontrollen og datatilsynet enda ikkje hadde fått siste års datafiler frå kontrollen. Denne utdelinga vil derfor finne stad seinare.

Jostein Brenden takka årsmøtelyden for eit godt og sakleg møte, og for den tilliten som var vist styret.

Klokka 17.40 var dermed den formelle delen av årets årsmøte over, og vi som deltok kunne innta ein bedre middag på Støren Hotell!

Jostein Brenden minna oss under middagen om at årets årsmøte var eit lite jubileum, i og med at det var 10 år sidan det første årsmøtet med medlemstreff vart arrangert (Oppdal 1990). Det har vore ei stor utvikling i Avslaget på desse ti åra. Talet på dyr og insemineringar har auka mykje. Sjølv om ein no er inne i ein ny nedgangsperiode står avslaget sterkare rusta til å tåle nedgang enn det gjorde for 10 år sia. Eigenkapitalen til laget er 10-dobla, og regnskapet viser eit godt overskudd. For 10 år sia var det årleg underskudd i regnskapet. Lagret av sæddosar av reinrasa STN-oksar er auka, og ein har arbeidd aktivt for å bli kvitt innblandinga av særleg Frieser (SLB) som ein del seminoksar har spreidd i rasen. STN-Bladet har kome i gang. Det er ein viktig informasjonskanal og bidreg til å halde interessa for rasen oppe.

Jostein sa at utan dei framsynte eldsjelene som sat i styret i 1989 og bestemte seg for å prøve å arrangere eit medlemstreff i samband med årsmøtet i 1990, hadde ikkje avslaget vore så livskraftig i dag. Han overrakte derfor ein blome som ei takk for det dei hadde sett i gang, til dei som var tilstades av styremedlemmane frå 1989; Gerd Inger Flå, Kjell Wickstrøm og Amund Wormstrand.

Underteikna vart (etter eige syn ufortent) påskjønna for arbeid med STN-Bladet sia oppstarten i 1990. Vart så overraska at eg fekk visst ikkje takka ordentleg ein gong, - derfor gjer eg det ne. Tusen takk for den fine kniven !!

Det sosiale på kvelden årsmøtedagen er kanskje noko av det viktigaste ved å samlast slik ein gong i året. Store avstander og lite fri gjer at slike møte blir svært viktige for å få til eit miljø for oss som driv med STN-dyr.

Eivind Nygård, tidlegare landbruksjef i Midtre Gauldal heldt eit interessant foredrag for oss om ein storferase i frankrike som det blir hevda stammar frå import av dyr frå skandinavia på 1700 talet. Dyra var var svartsidete, akkurat som STN, men hadde horn og var mykje grøvre bygde og meir kjøtprega.

Tida går i fort, og natta har lett for å bli i kortaste laget i hyggeleg lag på årsmøtefestane. Men det såg da ut for at dei fleste rakk frokosten.

På søndag var det gardsbesøk. Først hos Hans Forodden på Kotsøy i Singsås, nokre km lenger opp i Gauldalen. Forodden, som også vart vald inn som 1.varamann til styret har nettopp starta opp med STN. Han har ca 10 årskyr, og av desse var det no 5 STN.



Hans Forodden og Inger Alice Hoff diskuterer ku.

Frå Kotsøy skulle vi ta beinvegen gjennom Budalen til Soknedal og besøke Berit og Eldar Staverløkk. Men i Budalen var det 2 meter brøytekantar og nedsnøa skilt ! Vi var fleire som køyrd bom i første omgang, og fekk oss ein liten omveg på eit par mil. Men fram kom vi da omsider. Berit og Eldar Staverløkk kjøpte den første STN-kua i 1992, og 269 Fjellros som no er 10 år gammal var fortsatt i vigør. Noko høgt celletal har ho fortalte Berit, men ho er bjelleku på setra, så ho får nok vere med ei stund til.

Den eldste kua i buskapen på 20 årskyr (Halvparten STN og halvparten NRF) var imidlertid 287 Stina etter 9048 Ingo. Stina kjøpte Berit og Eldar av Paul Lindvåg i Halsa, og kua fekk 1.premie på jubileumsutstillinga på Røros i 1994. Dyra hos Staverløkk vil vi kome attende til med ein gardsreportasje i ei seinare utgåve av STN-Bladet.



287 STINA F: 03.02. 1989
Far: 9048 Ingo Morfar: 9034 Siljar

Dermed var Årsmøtet 2000 overstått og vi reiste heim att til "striskjorta og havrelefsa". Med nye inntrykk og forhåpentlegvis ny inspirasjon som kjem godt med før ein ny og hektisk sommarsesong.

Atle 2000

Avslaget for Sidet Trønderfe og Nordlandsfe

Resultatregnskap 1999

Utgifter

| | |
|-------------------------------|----------------|
| Kjøp av oksekalver | 12 325 |
| NRF: | |
| 555 fôrdager test. | 19 980 |
| 257 fôrdager sem. | 10 923 |
| 4943 doser distribuert | 19 772 |
| 62000 doser på lager | 49 600 |
| Kontorhold | 13 320 |
| Innkrevingsgodtgjørelse | 7 704 |
| Medlemsavgift Norsk Buf | 13 670 |
| Møteutgifter | 8 885 |
| Reiser | 44 685 |
| Lønn/ møtegodtgjørelse | 72 440 |
| Arbeidsgiveravgift | 7 821 |
| Diverse kostnader | 21 033 |
| Renter | 799 |
| Kalender Norsk Buf 2000 | 17 073 |
| Kontorrekvista/ Datautstyr | 4 281 |
| Telefon/ Porto/ Gebyr | 34 240 |
| Trykk STN-Bladet (3x) | 51 955 |
| Annonser | 1 975 |
| Årets overskudd | 297 781 |
| Kr | 710 262 |

Inntekter

| | |
|----------------------|----------------|
| Slakt av oksar | 43 697 |
| Sædsalg 97/ 98 | 404 214 |
| Sædeksport | 18 000 |
| Medlemskontingent | 118 930 |
| Profileringsartikler | 20 930 |
| Renter | 104 491 |
| Kr | 710 262 |

Status pr 31.12. 1999

Aktiva

| | |
|------------------------|------------------|
| Kasse | 848 |
| Rørosbanken brukskonto | 42 818 |
| Rørosbanken særvilkår | 1 772 789 |
| Fordring NRF | 277 138 |
| Sum | 2 093 619 |

Passiva

| | |
|--------------------|------------------|
| Gjeld Marit Hoff | 800 |
| Feriepengar | 6 470 |
| Mva/ inv.avgift | 62 273 |
| Arbeidsgiveravgift | 674 |
| Egenkapital | 2 030 012 |
| Sum | 2 093 619 |

DYRSKU'N 2000

Norsk Bufe arbeider for å få i stand ei stor utstilling av alle dei gamle norske storferasane i samband med Dyrsku'n i Seljord i Telemark 8. September.

Dyrsku'n er eit årleg kjempearrangement som samlar tusenvis av besøkande. Dyrsku'n i år varer frå 8. – 10. September. Storfeutstillinga foregår den 8., men utstillarane er velkomne til å ha dyra på utstillingsplassen så lenge Dyrsku'n varer. Dyrsku'n gjev svært gode betingelser til dei som stiller med dyr til utstillinga;

- Det blir gjeve dekning for frakt av dyra til og frå Dyrsku'n
- Det blir dekt avløysar for utstillarane
- Det er stallar for dyra
- Før til dyra på plassen
- Mjølkemaskiner
- Og til slutt; Svært fine premiar !!!!

Vi vil dessutan prøve å få i stand felles transport der det let seg gjere.

Avslaget for STN vil oppfordre brukarar som har lyst til å stille med STN-ku/ kyr på Dyrsku'n om å melde seg til Atle Meås på 61 28 46 77 seinast 25.juli. Det vil bli stilt krav om rasereinheit, avdrått (husdyrkontroll) og vanleg veterinærattest.

Så bli med til Dyrsku'n med den beste STN-kua di !



*Vi håpar å samle ei god og representativ gruppe med STN-kyr til Dyrsku'n i Seljord.
Dette bildet er imidlertid frå Avslagets jubileumsutstilling på Røros i 1994*

SEMINOKSAR FOR SESONGEN 2000/ 2001

Avslaget for STN sender i år ut 4 nye seminoksar. I tillegg er det plukka ut 3 eldre oksar, som dermed får gå ein runde til. Det burde derfor vere nok å velge i både når det gjeld ønska farge, avstamming og mors avdrått mellom årets oksar.

Avslaget er stadig avhengig av å få kjøpt oksekalvar etter gode STN-kyr for å kunne rekruttere nye seminoksar. Har du ei bra og godt fungerande ku i buskapen, er det svært fint om du seier i frå til avslaget. Vi greier ikkje å plukke opp alle aktuelle oksemødre via husdyrkontrollen. Du kan også få råd om kva for okse du bør bruke til kua, for å få et avkom som er mest mogleg interessant til vidareavl. – Anten det no blir ku- eller oksekalv.



Oksekalv etter 9063 Elven. Eigar: Christian Saxlund, Imsroa

9017 IKAROS

Født: 06.02. 1979
Svartsidet
Innbl: 1,6 % NRF

Hos: Gerd Inger Flå, Ulsberg
Vekt 12 mndr: 402 kg
Bør ikke brukes til kyr etter: 9013, 9018, 9039

Far

9013 ERI NERO

Fødd: 23.11. 1974

Hos: Erik A Nerhoel, Lønset

Mor

20 LITAGO

Fødd: 01.11. 1975

Avdrått: 3 år: 4452 – 4,4 – 3,8

Farfar

8985
JO LANGEN
F: 03.03. 1965

Farmor

52 JOLIN
8 år:
4561 – 3,9 – 178

Morfar

9000
DRAGOS
F: 09.12.1968

Mormor

19 BLIROS
6 år
4191 – 4,1 – 3,4

FFF
8197
Jo
Sing

FFM
8822
Deilig

FMF
8197
Jo
Sing


FMM
44
Aros

MFF
8996
Sagar

MFM
Donna
8305

MMF
8991
Kal
Bogev.
14
Topsy

9017 Ikaros var typisk svartsidet. Født tvilling. Kyrne etter Ikaros har også som oftest blitt ordentlig svartsidet, men vi har for få kontrollerte døtre (5) til å kunne si noe om avdråtten. Farsida er linjeavla på Jo Sing, medan morsida er ei blanding av godt norsk og svensk blod. Bør ikke brukast til kyr med lange spenar.



9000 Dragos
(61 Dragos SKB 6592)
morfar til 9017 Ikaros

9063 ELVEN

Født: 19.03. 1988

Svartsidet

Mors brystomfang: 188 cm

Bør ikke bruktes til kyr etter: 9012, 9024

Hos: Egil Estensen, Brekken

Vekt 12 mndr: 353 kg

Buskapsmiddel: 3771 – 4,1 – 3,4

Far

9012 JOSU

Fødd: 04.08. 1974

Hos: John Sundt, Røros

Mor

88 KRUSLIN

Fødd: 09.06. 1983

Avdrått: 3 år: 5410 – 3,8 – 3,2

Farfar

8991

Kal Bogevoll

F: 12.10. 1965

Farmor

13 Fagerlin

8 år:

4223 – 4,3 – 182

Morfar

9024

Langen

F: 28.05. 1980

Mormor

53 Kruslin

2 år:

4665 – 3,9 – 3,3

FFF

8201
Stasfinn

FFM

10036
Kala

FMF

8197
Jo
Sing

FMM

15
Geira

MFF

8989
Heid
Gr.aune

MFM

84
Morban

MMF

9012
Josu

MMM

42
Kruslin

9063 Elven er fortsatt einaste seminoksen vi har som stammar frå 8991 Kal Bogevoll, og den berømte 10036 Kala. (STN-Bladet nr 3-97). Elven gjev typiske, ofte nokså store kyr. Bør ikkje brukast til kyr med dårlig jurfeste.



9108 DJUPVIK

Fødd: 27.06. 1993

Svartsidet

Mors brystomfang: 171 cm

Bør ikke brukes til kyr etter: 9032, 9038, 9058 Innbl: 5,6 % SLB/ NRF

Hos: Jostein Stige, Fauske

Vekt 12 mndr: 410 kg

Buskapsmiddel: 3776 – 3,8 – 3,2

Far

9038 RUUD

Fødd: 19.09. 1984

Hos: E og A Wormstrand, Brandval

Mor

5 DOKKA

Fødd: 02.03. 1986

Avdrått: 11,9 år: 4067 – 4,0 – 3,3

Farfar

8985

Jo Langen

F: 03.03. 1965

Farmor

1 Knøttros

4 år:

5371 – 4,0 – 3,2

Morfar

9032

Moen

F: 09.11. 1982

Mormor

29 Julgås

FFF

8197

Jo

Sing

FFM

8822

Deilig

FMF

8989

Heid

Gr.aune

FMM

7

Fager-

ros

MFF

9022

Wick-

strøm

MFM

101

Bliros

MMF


9027

Prim

MMM

Krone

Djupvik har vært i bruk en gang tidligere, men har enda for unge døtre til at vi kan si noe om avdråtten. Oxen er typisk, svartsidet. Og har ei mor som har holdt ut i mange år og fortsatt i sitt 15.år holder koken. Det meste av innblandinga stammar frå 9027 Prim, som var 37,5 % frieser.



9156 SILVIO

Fødd: 01.10. 1996 Hos: Mårten Dahlberg, Bjärtrå, Sverige
Svartdroplet
Oksen er ikkje i nær slekt med tidlegare brukte oksar.

Far

6769 DELTA 96769

Fødd: 10.05. 1994
Hos: Elna Aronson, Tandsbyn, Sverige

Mor

225 SILVA

Fødd: 24.08. 1994
Avdrått: 2,11 år: 7503 – 4,4 – 3,6

Farfar

38 Desing
6574
F: 11.09. 1967

Farmor

168 Glamma
4,7 år:
6768 – 5,0 – 3,9

Morfar

161 Smille
6673
F: 17.02. 1992

Mormor

169 Saga
3 år:
6342 – 4,1 – 3,4

FFF

8197
Jo
Sing

FFM

Dreppla
8284

FMF

9049
Maro

FMM

148
Glam
ma

MFF

10
Smith
6683

MFM

297
Lirka


MMF

115
Osten

MMM

129
Svana

Silvio er en svensk okse med mykje norsk blod både få far- og på morsida. Morlina er ei av dei eldste inna fjällrasen, og kan dokumenterast tilbake til 1890 –talet. Avdråtten til mora var svært høg, men her ligg det også drivande føring bak ! Mormora 169 Saga er mor til 9155 Snøgg.



9163 TØRRES

| | |
|---|---------------------------------|
| Fødd: 11.06. 1997 | Hos: Rolf Petter Tørres, Røros |
| Svartdroplet | Innbl: 1,2 % NRF |
| Moras brystomfang: 175 cm | Buskapsmiddel: 3150 – 4,0 – 3,3 |
| Bør ikke brukes til kyr etter: 9018, 9032, 9111, 9149 | |

Far

9111 HØGLO

Fødd: 24.02. 1994
Hos: T og JM Høglo, Namdalseid

Mor

50 AURA

Fødd: 08.08. 1986
Avdrått: 9 år: 3601 – 4,3 – 3,4

Farfar

9018
Sæther
F: 02.10. 1978

Farmor

261 Rosamunde
6 år:
3757 – 5,4 – 3,7

Morfar

9032
Moen
F: 09.11. 1982

Mormor

64 Alika
3 år:
3000 – 4,2 – 3,5

FFF

9013
Eri
Nero

FFM

25
Dron-
ning

FMF

9043
Har-
sjøen

FMM

260
Sonja

MFF

9022
Wick-
strøm

MFM

101
Bliros


MMF

9017
Ikaros

MMM

61
Glåm-
ros

9163 Tørres er fødd i ein ekstensivt fôra buskap, og gjennomsnittsytinga er derfor ikkje så høg. 50 Aura var ei av dei beste kyrne i buskappen, og heldt som synest ut i mange år. Kua stammar frå buskappen hos Kari og Leif Kroken på Glåmos.



9180 NORVIK

Fødd: 20.01. 1998

Svartdroplet

Moras brystomfang: 168 cm

Bør ikke brukes til kyr etter: 9080, 9129

Hos: Marita og Kjell Wickstrøm, Oppdal

Innbl: 2,5 %

Far

9129 HAVDAL

Fødd: 28.12. 1984

Hos: Gerd Inger Flå, Ulsberg

Mor

228 STJERNA

Fødd: 23.11. 1991

Avdrått: 4 år: 3531 – 5,0 – 3,6

Farfar

9080

Solmann

F: 08.09. 1989

Farmor

71 Hjertros

6 år:

5370 – 4,1 – 3,4

Morfar

6738 Mast

86738

F: 23.05. 1989

Mormor

201 Stjärna

3,11 år:

4870 – 4,3 – 3,6

FFF

9039
Ramik

FFM

91
Soløy

FMF

9040
Ricko

FMM

45
Mir-
anda

MFF

9049
Maro

MFM

43
Stjärna
8540


MMF

85
Nalle
6666

MMM

128
Stjärna

9180 Norvik har arva det gode eksteriøret til sin far og farfar, -9129 Høvdal og 9080 Solmann. Mora, 228 Stjerna (under), vart importert frå Sverige som kalv, og er av Karl Gustav Hedling si "Stjärna" line. Kua har hatt et "urolig" liv, og har skifta eigar fleire gonger. Det gjenspeglar seg i avdråtten. Kua har eit godt jur.



LIVDYRMARKEDET

Av Helen Davey

STN-dyr til salgs

(Avslaget for STN kan ikke garantere for gitte opplyninger.)

| Kategori | født | renhetsgrad | drektig | eier | |
|-------------------|--------------|-------------|---------|----------------------------|-------------|
| Kvige | 06.10.99 | 75 % STN | Nei | Arne Stende, Øye | 61 36 87 89 |
| Kvige | 15.10.99 | 75 % STN | Nei | - - - | - - - |
| Kvige | 25.09.98 | 50 % STN | | - - - | - - - |
| Kvige | oktober 99 | | Nei | Bjørn Sandum, Lalm | 61 23 90 45 |
| Kvige | oktober 99 | 75 % STN | Nei | Anton Tessnes, Tessanden | 61 23 97 89 |
| Kvige | februar 99 | 87,5 % STN | | Arnt O Grødem, Nærbo | 51 43 35 73 |
| Kvige | vår 98 | | | - - - | - - - |
| Kvige | 03.04.99 | 50 % STN | Nei | Arvid Øyberg, Rollag | 32 74 67 76 |
| Kukalv | 12.04.00 | 7/8 STN | Nei | Axel Palsa, Borkenes | 77 09 2591 |
| Kvige | juni 99 | 75 % STN | Nei | Inge Hafstad, Verdal | 74 07 81 60 |
| Kvige | september 99 | 50 % STN | Nei | Ivar Kringlemoen, Arendal | 37 03 3183 |
| 2 Kukalver | juni 00 | 50 % STN | | - - - | - - - |
| Kvige | 08.11.98 | reinrasa | Ja | Gudveig K Hagen, Vinstra | 61 29 08 02 |
| 3 kviger | | reinrasa | ja | Bjørn I Mo, Samuelsberg | 77 71 64 81 |
| Kvige | | 92 % STN | Ja | Terje Østgård, Stokmarknes | 76 15 68 00 |
| Kvige | | | Ja | Olaug Berntsen, Rossfjord | 77 84 66 65 |
| Ku kalvet mars 00 | | reinrasa | | Oddbjørn Johnsen, Rissa | 73 85 12 99 |
| Ku kalvet mai 00 | | 87,5 % STN | | Finn Moen, Surnadal | 71 66 21 10 |

AVLSOKSER

Okse født sept 96. Ren STN. Brukt til bedekning. Ønskes levert ca 1.august
Lise Sæther, Sørum. 63 82 40 52

” Rambo II ” Født: 05.04.97 Far: 9113 Rudolf Morfar: 9034 Siljar 98 % STN
Mor: 108 Julia (to gonger landets høgstytande STN-ku) Oksen er rolig og godlynt, og har gitt
rasetypisk avkom. Knut E Rønning, Stadsbygd 900 53 129 (Bilde STN-Bladet nr 3-99 s.24)

To reinrasa, svartside oksekalvar f: mars og mai 00 etter gode mjølkekryr med bra jur til salgs.
Morten Granlien, Fåvang. 61 28 46 89

Livdyrkontakten har også liste over mange andre oksekalver som kan være aktuelle for avl. Lista fås tilsendt ved å kontakte livdyrkontakten:

Helen Davey, 2435 Våler i Solør
Tlf/ fax: 62 43 79 31 E-post: Heldav@c2i.net



Dommarkurset 2000. Bakerste rekke frå v: Ottar Martinsen, Ketil Nordset, Nina H Sæther, Odd Roar Stenby, Tore Skarpnord, Georg S Hopstad, Ola Syrstad. Foran frå v: Atle Meås, Øyvind Karlsen, Gunn J Følstad og Sjur Fosheim Sæther.

DOMMARKURS

Det første dommarkurset i avslaget sin regi vart arrangert ved Norsk Landbruksmuseum på Ås 4. og 5. mai. Formålet med kurset var å få fleire dommarar med kompetanse til å døme STN-dyr, og å få ei mest mogleg einheitleg døming av rasen på utstillingar rundt om i landet.

Som instruktørar på kurset var vi så heldige å få tak i professor Ola Syrstad, som har svært solid bakgrunn i STN-miljøet, og avlskonsulent Ketil Nordset frå GENO. Dei stilte velvillig opp for oss, og gav kurset eit godt fagleg innhald. I tillegg skal det nemnast at ingen av dei ville ha noko honorar for den flotte innsatsen dei gjorde!

Den første dagen av kurset var sett av til den teoretiske delen, og Ola Syrstad gav oss to interessante foredrag om rasen si historie og utvikling og om farge/ tegning hos STN.

Ketil Nordset tok for seg eksteriøret. Han tok for seg kroppsdel for kroppsdel og la


først og framst vekt på funksjonalitet, -at kua har eit eksteriør som gjer at ho fungerer godt både inne og ute. Dei viktigaste punkta på kua; jur, kryss og bein vart særleg godt gjennomgått.

At ei ku har noko mjuk rygg, lause bøger og krokete haser, var etter hass syn berre "skjønnheitsfeil" og burde ikkje tilleggast avgjerande vekt under døming av eksteriøret til kua. (godt for oss STN-folk å få høre slikt!)

Etter endt teoridel og middag for deltakarane på Ås hotell, vart eksteriør livleg diskutert til langt på natt. Det såg ut til at vi var delvis

svært uenige, så spenninga var stor før den praktiske delen dagen etter! Kunne vi klare å bli enige om noko som helst??

Klokka 10 fredagsmorgenon troppa vi opp ved storfjøset ved Landbrukskolen, klare til å sette teorien ut i praktisk døming. Ola Syrstad og Ketil Nordset var fortsatt med oss. Nina Hovden Sæther, som vel er kjent for dei fleste gammelraseinteresserte kom og hadde lyst til å få med seg den praktiske delen av kurset. Ketil Nordset plukka ut ei ku som han gjekk over del for del, på same måte som under den teoretiske delen dagen før.



Ketil Nordset med den viktige bakparten av kua framfor seg. (Det er her dei fleste eksteriørpoenga skal sitte!) 3208 Kati etter 9066 Miro fekk 3,5 poeng for jur og 7,5 poeng for kropp og bein. Etter Nordset sitt syn ei ku med funksjonelt eksteriør og godt jur. (Når ein da ser bort i frå at NRF-mannen Nordset generelt synes alle STN-kyr er for låge)


Kursdeltakarane var svært enige om at 3208 var ei STN ku av god type og passe storleik. (etter bandmålet ca 400 kg)

Vi vart så delte inn i grupper, og Nordset plukka ut tre kyr som alle gruppene skulle døme. Etterpå gjekk vi igjennom kyrne ei for ei og diskuterte resultatet. Det viste seg faktisk at det var **svært** stor enighet, og diskusjonane gjekk berre om halve poeng frå eller til. Det lovar i alle fall godt for ei mest mogleg lik døming av STN-dyr rundt omkring ! På enkelte punkt var vi også delvis uenige med Nordset, og det er bra. Det viser at m.a rasepreg også var viktig for dommarane.

Deltakarane gav uttrykk for at dei var godt nøgde med kurset, og sett i frå avslaget si side var det i alle fall svært nyttig. Vi har no fleir som kan stille opp som "autoriserte" STN-dommarar. Er det nokon som skal arrangere utstillingar eller fjøs-sjå og har behov for dommarar, er det berre å ta kontakt med avslaget.

Vi vil vurdere å arrangere eit kurs til, men da ikke før til vinteren. Det vart også diskutert og funne nyttig med oppfølgings-/oppfriskingskurs eller samlingar for dommarane med nokre års mellomrom.

Under ser vi 3208 Kati i heilfigur.




Nytt frå styret

Styremøte halde på Støren Hotell, 24.og 25.mars og styremøte halde på Øyer Gjestegård, 2.juni.

9134 Brettesnes

Oksen 9134 Brettesnes vart kjøpt inn og sædtappa i regi av Genressursutvalget. Dette er ein okse som Avslaget for STN ikkje ønskar å nytte i sitt avlsopplegg, da det ikkje kan dokumenterast avstamming eller produksjonseigenskapar for mora til oksen. Imidlertid er sædlagret til oksen, som er på 2597 dosar lagt inn i lagret til Avslaget. Styret ser ingen grunn til at Avslaget for STN skal ha kostnadene med å ta vare på eit så stort sædlager av ein okse som ein ikkje vil sende ut til vanleg bruk. Det vart derfor vedteke å be Genresurssutvalget om å redusere dosetalet etter denne oksen ned til 100 dosar, som er det antalet dosar som blir lagra for bevaring av andre STN-oksar.



9134 BRETTESNES

Fot: Hans A Hals

Strategiplan for Genresurssutvalget

Ny strategiplan for Genressursutvalget er ute på høring. Avslaget for STN har ingen spesielle merknader til planen, da det ser ut

til at Genressursutvalget meiner framtida for STN-rasen framleis er i trygge hender.

Reglement for døming av STN-dyr

Det vart vedteke nye retningslinjer for døming av STN-dyr, basert på vedtak av rasestandard/ avlsmål frå Årsmøtet i 1997. Retningslinene inneheld krav til eksteriør og avdrått for å oppnå dei forskjellige premiegradane. Det er teke omsyn til faktorar som kuas storleik, alder og tørstoffinnhald i mjølka ved avdråttspremiering. Styret valde å foreløpig å ikkje legge inn buskapsmiddel som korrigerande faktor, da ein foreløpig ikkje har funne ein handterleg og rettferdig måte å gjere dette på.

Tildeling av langtidslagra sæd

Kua 96 Svartsi hos Christian Saxlund vart tildelt 3 dosar av 9007 Lano.

Dommarkurs

Avslaget prøver å få til eit dommarkurs i april/ mai. Sekretæren planlegg og står for den praktiske gjennomføringa. Avslaget dekker reise og opphold for deltakarane.

Seminoksar for sesongen 2000/ 2001

Styret vurderte og fastsette kva for seminoksar som skal sendast ut for bruk neste sesong.

4 nye oksar samt tre eldre vart plukka ut. Oksane, vist med far – morfar – mmf – mmmf er;

| | |
|-----------------|---------------------------|
| 9017 Ikaros | 9013 – 9000 – 8991 – 8998 |
| 9063 Elven | 9012 – 9024 – 9012 – 8999 |
| 9108 Djupvik | 9038 – 9032 – 9027 – 9017 |
| 9156 Silvio | 6769 – 6673 – 115 - 9049 |
| 9163 Tørres | 9111 – 9032 – 9017 - ? |
| 9180 Norvik | 9129 – 6738 – 6666 – 6659 |
| 9181 Løkk-Ruben | 9145 – 9049 – 9030 – 9006 |

Innkjøp av oksekalvar

Det vart på møtet vedteke å kjøpe inn følgande to oksekalvar:

1. 247 Mini-Brenden Fødd: 15.03.00
Hos: Kjersti og Georg Sole, Garmo
Far: 9159 Brenden. Morfar: 9052 Bjarte.
Mora, 243 Syte kjem frå Karin Bjøkne på Lesja, og har dei to siste åra mjølka 4507 – 4,3 – 3,6 Kalven er rauddroplet og har 4,1 % innblanding av framandt blod.
2. 454 Surndøl Fødd: 28.05.00 Hos:
Ingebrigts Moen, Vindøla
Far: 9149 Bambus Morfar: 9098 Luring
Mor: 371 Lotte 2 år: 5360 – 4,1 – 3,3
Kalven er svartsidet og har 5,1 % innslag av andre rasar.

Møtegodtgjer styremedlemmar.

Møtegodtgjeren for styremedlemmane har vore uforandra i snart 10 år, og er på kr 400,- pr møte. Dette dekkjer ikkje kostnadene til avløysar, og særleg ikkje for styremedlemmar som på grunn av lang avstand får eit fråver på over 1 døgn. Styret vil derfor legge fram forslag til Årsmøtet 2001 at møtegodtgjeren blir heva til kr 700,- pr.påbegynt dags fråver.

Sekretær/ Kasserarstillinga

Stillinga vart utvida frå 30 % til 40 % frå og med 01.06.00.

STN-sæd til forskning i Finland

Forskar Juha Kantanen ved Finlands Landbruksforskningssenter driv eit forskningsprosjekt om Y-kromosom hos storfe. I samband med dette var dei interesserte i å kjøpe 3 sæddosar av 5 –10 mest mogleg reinrasa og ubeslektta STN-oksar.

Avslaget selde 3 sæddosar av følgande oksar til dette prosjektet i finland: 9043 Harsjøen, 9063 Elven, 9065 Lijo, 9073 Miramis, 9150 Tor, 9151 Loke, 9153 Lill Gubben, 9154 Bjärt og 9162 Lomen.


Referatsaker

Jostein Brenden refererte frå møte i Kontaktutvalget for Storfeavlsorganisasjonane der det var teke opp tre saker som også gjeld Avslaget for STN;

GENO legg om sitt prissystem for sæd, slik at prisen blir forskjellig for dei forskjellige oksekategoriane. Samtidig går dei bort i frå at 1. omløp skal vere gratis. Slik det ser ut vil prisen på STN-sæd da bli 110,-

Stambokføring av gardsoksar. Det er no på trappene med 5-sifra nummerseriar. GENO og Husdyrkontrollen er imidlertid skeptiske til å stambokføre gardsoksar. Landslaget for Telemarkfe og Avslaget for STN prøver imidlertid å få igjennom at vi fortsatt skal få stambokføre gardsoksar, da dette er svært viktig for å kunne halde rede på dyras avstamming for framtida.


GENO vil seie opp sine avtaler med dei andre raselaga i løpet av sommaren. Dette fordi avtalene er gamle, og bør oppdaterast. Avtalene vil bli reforhandla i løpet av hausten.



Kan Y-kromosoma til 9043 Harsjøen gje meir informasjon om slektskapet mellom forskjellige ferasar?

C

Returadresse:
Avslaget for STN
2634 FÅVANG



Hos Rolf Petter Tørres, Røros. Bakerst; 50 Aura etter 9032 Moen. Mor til 9163 Tørres.



5 Dokka hos Jostein Stige, Fauske er også etter 9032 Moen. Mor til 9108 Djupvik.